

綱

鑑

易

知

錄

第四冊 宋紀

綱鑑易知錄

卷六十四至
卷七十七

宋太祖建隆元年（公元九六〇年）起
南宋高宗建炎元年（公元一一二七年）止

中華書局

綱鑑易知錄卷六四

宋紀

太祖神德皇帝

姓趙名匡胤，事周世宗，拜殿前都點檢。世宗殂，恭帝年七歲，即位僅六月，匡胤遂篡周，廢恭帝爲鄭王而自立。在位十六年，壽五十歲而崩。

綱

庚申，（九六〇）周恭帝宗訓元年，宋太祖神德皇帝趙匡胤建隆元年，蜀主孟昶廣政二十三年，南漢主劉鋹

趙匡胤稱帝

大寶三年，北漢孝和帝劉鈞天會五年，南唐元宗李景十八年。是歲周亡宋代，新大國一，舊小國四，凡五國；吳越、荆南、湖南、凡三鎮。春正月，周殿前都點檢趙匡胤稱皇帝，國號宋。廢周主宗訓爲鄭王，周侍衛副都指揮使韓通死之。

目

匡胤涿州人，（治涿縣，在今河北涿縣東北。）四世祖朮，朮音挑。唐幽都令，（幽都，在今北京市

內。）生珽，珽音挺。唐御史中丞。珽生敬，涿州刺史。敬生弘殷，周檢校司徒岳州防禦使。弘

殷娶杜氏，生匡胤於洛陽夾馬營，（洛陽，即今河南洛陽市。）赤光繞室，異香經宿不散。及長，容

貌雄偉，器度豁如，識者知其非常人。

仕周，補東西班行首，累官殿前都指揮使，掌軍政，凡六年，數從世宗征伐，薦立大功，薦同荐，屢也。人望歸之。世宗嘗於文書囊中得木，長三尺餘，題云「點檢作天子」。時張永德

爲殿前都點檢，乃命匡胤代之。及宗訓立，加檢校太尉，領歸德節度使。（歸德節度使治宋州城，在今河南商丘市南。）時主少國疑，中外密有推戴之意。

顯德六年，冬十一月，鎮、定二州言：（鎮州治眞定縣，即今河北正定縣。定州治安喜縣，即今河北定

縣。）「北漢會契丹兵入寇。」（北漢劉鈞都太原，在今山西太原市西南。）正月辛丑朔，遣匡胤率兵禦之。

殿前副都點檢慕容延釗將前軍先發，釗音昭。都下謹言：謹音歡，謹也。「將以出軍之日，冊點檢

爲天子。」士民恐怖，爭爲逃匿之計，惟內廷晏然不知。癸卯，大軍繼出。軍校苗訓號知天

文，見日下復有一日，黑光摩盪者久之，指示匡胤親吏楚昭輔曰：「此天命也。」

是夕次陳橋驛，（在今河南開封市北。）將士相聚謀曰：「主上幼弱，我輩出死力破敵，誰則知

之！不如先冊點檢爲天子，然後北征，未晚也。」都押衙李處耘具以事白匡胤弟供奉官都知

匡義及歸德掌書記趙普。匡義、普部分都將環列待旦，遣牙隊軍使郭延贊馳騎入京，贊音賓。

報殿前都指揮使石守信、都虞候王審琦，二人皆素歸心匡胤者。

甲辰黎明，將士逼匡胤寢所，匡義、普入帳中白之。匡胤時被酒臥，欠伸徐起，氣乏則欠，

體疲則伸。將校已露刃列庭，曰：「諸將無主，願冊太尉爲皇帝。」匡胤未及對，黃袍已加身矣。

衆即羅拜呼萬歲，掖之上馬，掖，挾持也。還汴。（汴州，周都，在今河南開封市北。）匡胤攬轡曰：「汝等

貪富貴，能從我命則可，不然我不能爲若主矣。」若，汝也。皆下馬曰：「願受命。」匡胤曰：「太

后、主上，我北面事者，不得驚犯；公、卿皆我比肩，不得侵陵；朝市府庫，不得侵掠。用命

日下復有
一日

陳橋謀變

黃袍加身

韓通謀帥
衆趙匡胤

禪昭出陶
穀袖中

天下自此
定

有重賞，違不汝貫也。」貫音射，赦也。皆應曰：「諾。」遂肅隊而行。乙巳，入汴，先遣楚昭輔慰安家人，又遣客省使潘美見執政諭意。

時早朝未罷，聞變，范質執王溥手曰：「倉卒遣將，卒音猝。吾輩之罪也。」

侍衛親軍副都指揮使韓通自禁中遑遽而歸，遑，急也。謀帥衆禦之。軍校王彥昇逐焉，通馳入其第，未及闔門，爲彥昇所害，妻子俱死。

匡胤進登明德門，命甲士歸營，而自退居公署。將士擁范質等至，匡胤見之流涕曰：「吾受世宗厚恩，爲六軍所迫，一日至此，慚負天地，將若之何！」質等未及對，列校羅彥環挺劍厲聲曰：「我輩無主，今日必得天子！」質等相顧不知所爲。溥降階先拜，質不得已亦拜，遂請匡胤詣崇元殿行禪代禮，召百官至。晡時班定，晡，申時。猶未有禪詔，翰林承旨陶穀出諸袖中，遂用之。宣徽使引匡胤就庭，北面拜受；已，乃掖升殿，服袞冕，卽皇帝位。奉周主爲鄭王，符太后爲周太后，遷之西宮。大赦，改元。以所領歸德軍在宋州，國因號宋。定國運以火德，王，色尙赤，臘用戊。華山隱士陳搏聞宋主代周，（華山，在今陝西渭南縣東。）曰：「天下自此定矣！」未幾，鎮州報北漢兵引還。

綱 宋贈周韓通爲中書令。

目 宋主贈通以旌其忠，仍詔以禮葬之。欲加王彥昇擅殺之罪；羣臣以建國之始，乞貫之。宋主猶怒，故終身不得節鉞。

綱 宋論翊戴功，加石守信等官爵。

綱 宋遣使分賑諸州。

綱 宋主以其弟光義爲殿前都虞候，光義卽匡義。趙普爲樞密直學士。

綱 宋立太廟，追帝其祖考。立四親廟，尊高祖眇爲僖祖文獻皇帝，曾祖瑑爲順祖惠元皇帝，祖徽爲翼

祖簡恭皇帝，妣皆爲皇后，考弘殷爲宣祖昭武皇帝。

綱 宋主視學。

目 詔增葺祠宇，塑繪先聖、先賢像，塑晉素。自爲贊書於孔賢座端，令羣臣分撰餘贊，

屢臨幸焉。常謂侍臣曰：「朕欲盡令武臣讀書，知爲治之道。」於是臣庶始貴文學。

綱 二月，宋主尊其母杜氏爲太后。

目 后定州安喜人，治家嚴而有法。陳橋之變，后聞之曰：「吾兒素有大志，今果然

矣！」及尊爲皇太后，宋主拜於殿上，羣臣稱賀，后愀然不樂。愀音悄。愀然，懷動之貌。左右進

曰：「臣聞母以子貴。」公羊傳隱公元年：「子以母貴，母以子貴。」今子爲天子，胡爲不樂？」后曰：「吾

聞爲君難。天子置身兆庶之上，若治得其道，則此位可尊；苟或失馭，求爲匹夫不可得；是

吾所以憂也。」宋主再拜曰：「謹受教。」

范質等相

塑繪先聖
先賢像

綱 宋以范質、王溥、魏仁浦同平章事，吳廷祚爲樞密使。
目 舊制，宰臣上殿，命坐而議大政；其進擬差除，但入執狀畫可，降出奉行而已。質

范質請用
劄子

李筠起兵
伐宋

閻丘仲卿
說李筠

等自以周朝舊臣，稍存形迹，且憚宋主英睿，乃請用劄子，非表非狀者謂之劄子，唐人用以奏事。面取旨，退各疏其事，同列書字以誌。宋主從之，坐論之禮遂廢。

夏四月，周昭義節度使李筠起兵，（昭義節度使治潞州城，即今山西長治市。）會北漢伐宋，宋遣兵擊之。

宋遣使加筠中書令。使者至潞州，昭義軍治。筠欲拒之，賓佐切諫，乃延使者置酒，既而取周太祖畫像懸於壁，涕泣不已，賓佐惶駭。北漢主鈞聞之，乃以蠟書結筠同舉兵。蠟書，以蠟爲丸，置書其中。筠長子守節泣諫，筠不聽。遂起兵，令幕府爲檄，數宋主罪。執監軍周

光遜等送於北漢以求濟師，又遣人殺澤州刺史張福，（澤州治晉城縣，在今山西晉城縣東。）據其城。

從事閻丘仲卿說筠曰：「公孤軍舉事，其勢甚危，雖倚河東之援，（河東即太原，北漢都。）恐亦不得其力。大梁甲兵精銳，（大梁即汴州，宋都。）難以爭鋒，不如西下太行，（太行山，在今河南沁陽縣西北，北入山西境。）直抵懷孟，（懷孟治懷州河內縣，即今河南沁陽縣。）塞虎牢，（關名，在今河南滎陽縣西北。）據

洛邑，（即洛陽。）東向而爭天下，計之上也。」筠不能用。

北漢主自帥兵赴筠，筠迎謁於太平驛，言受周太祖恩，不敢愛死。北漢主與周世讎，後漢爲周所滅。不悅其說，因使其宣徽使盧贇監其軍。筠見漢兵弱少，而贇又來監，心甚悔，謀多不協，乃留守節守潞而自引衆南向。北漢主聞贇與筠異，復遣其平章事衛融和解之。

宋主遣石守信、高懷德、慕容延釗、王全斌分道擊之，仍敕守信等曰：「勿縱筠下太行，

李筠敗死

急引兵扼其隘，破之必矣。」守信等敗筠兵於長平。（即戰國白起坑趙卒處，在今山西晉城縣西北。）

綱 五月，宋主自將圍澤州。六月，克其城，李筠死之。

目 宋主自帥大衆討筠。山路險峻多石，宋主先於馬上負數石，將士因爭負之，即日平爲大道，遂與守信等會，大敗筠衆於澤州南，殺盧贊。筠走保澤州，宋主列柵圍之。六月，宋將馬全義帥敢死士數十人攀堞而上，堞晉疊，城上女垣。遂入其城。筠赴火死。獲衛融，融請死。宋主怒，以鐵槌擊其首，槌晉打，杖也。流血被面。融呼曰：「臣得死所矣。」宋主曰：「忠臣也！」釋之，以爲太府卿。

北漢主懼，引師歸。宋主進攻潞州，守節以城降，宋主釋其罪，以爲單州團練使。單音善。（單州治單父縣，即今山東單縣。）

綱 秋七月，宋主還，以趙普爲樞密副使。

綱 荆南節度使高保融卒，弟保勳嗣。（荆南節度使治荊州城，即今湖北江陵縣。）

綱 冬十月，周淮南節度使李重進謀起兵拒宋。（淮南節度使治揚州城，即今江蘇揚州市。）十一

月，宋主自將擊之，重進自焚死。

目 重進，周太祖之甥，與宋主同事周室，分掌兵權，常心憚宋主。宋主立，加重進中

書令，移鎮青州。（治益都縣，即今山東益都縣。）重進心不自安，陰懷異志。及李筠舉兵，重進遣

親吏翟守珣往潞陰結筠。守珣素識宋主，乃潛詣京師求見。宋主問曰：「我欲賜重進鐵券，

荆南高保勳嗣立

李重進死

鐵券，符契也，以鐵鑄之，朱書字也。

彼信我乎？」守珣曰：「重進終無歸順之志。」宋主厚賜守珣，令

說重進緩其謀，無令二兇並作，分我兵勢。守珣歸，勸重進未可輕發，重進信之。既而宋主

遣六宅使陳思誨賜之鐵券，重進欲治裝，隨思誨朝汴，大梁。左右沮之，猶豫不決。又自以

周室懿親，恐不得全，遂拘思誨，治城繕兵，遣人求援於唐。（南唐李景，都金陵，在今江蘇南京市。）

唐主聞於宋，宋遣石守信、王審琦、李處耘、宋偓等分道討之。趙普勸宋主自行。十月，宋

宋拔淮南

主發汴，十一月至廣陵，（即淮南。）即日拔之。城將陷，左右欲殺思誨，重進曰：「吾將舉族赴火死，殺此何益。」即盡室自焚，思誨亦被害。宋主入城，戮同謀者數百人。

綱 唐主遣子朝宋主于揚州。十二月，宋主還汴。

綱 宋以寶儀爲翰林學士。

寶儀重入翰林

目 翰林學士王著以酒失貶官，宋主謂宰相曰：「深嚴之地，當使宿儒處之。」范質等對曰：「寶儀清介重厚，然已自翰林遷端明矣。」「端明殿學士。」宋主曰：「非斯人不可。卿當諭以脫意，勉令就職。」即日復入翰林。宋主嘗召儀草制，至苑門，儀見宋主岸幘跣足而坐，幘音謫。

露額曰岸，髮有巾曰幘。跣足，赤足也。卻立不肯進，宋主遽索冠帶而後召入。儀曰：「陛下創業垂

統，宜以禮示天下，恐豪傑聞而解體。」宋主斂容謝之，自是對近臣未嘗不冠帶。

綱 辛酉，（九六一）宋建隆二年。是歲凡五國、三鎮。春二月，唐徙都洪州。（治南昌縣，即今江西南

昌市。唐徙都之，昇爲南昌府。）

杜太后屬
宋祖

綱 夏六月，宋太后杜氏殂。

目 后疾，宋主侍藥餌不離左右。疾革，革讀載，亟也。召趙普入受遺命，且問宋主曰：「汝知所以得天下乎？」宋主曰：「皆祖考及太后之餘慶也。」后曰：「不然。正由柴氏使幼兒主天下爾。若周有長君，汝安得至此！汝百歲後，當傳位光義，光義傳光美，光美傳德昭，太祖子。夫四海至廣，能立長君，社稷之福也。」宋主泣曰：「敢不如教。」后顧謂普曰：「爾同記吾言，不可違也。」普即榻前爲誓書於紙尾，署曰「臣普記」，藏之金匱，金匱，以誓書藏之匱中而緘之以金，不欲人開之。命謹密宮人掌之，遂殂。

綱 秋七月，宋罷其侍衛都指揮使石守信等典禁兵。

解石守信
等兵權

目 石守信、王審琦等皆宋主故人，有功，典禁衛兵。普數以爲言，宋主曰：「彼等必不吾叛，卿何憂之深邪？」普曰：「臣亦不憂其叛也。然熟觀數人者，皆非統御才，恐不能制伏其下，則軍伍閒萬一有作孽者，彼臨時亦不能自由爾。」宋主悟。

一日因晚朝與守信等飲酒酣，屏左右謂曰：「朕非卿等不及此，然天子亦大艱難，殊不若爲節度使之樂，朕終夕未嘗敢安枕臥也。」守信等請其故，宋主曰：「是不難知，此位誰不欲爲。」守信等頓首曰：「陛下何爲出此言？今天命已定，誰復有異心。」宋主曰：「卿等固然，其如麾下欲富貴何。一旦有以黃袍加汝身，汝雖欲不爲，其可得乎？」守信等泣謝曰：「臣等愚不及此，惟陛下哀矜，指示可生之途。」宋主曰：「人生如白駒過隙，所以好富貴者，不過

宋主諭諸
臣

欲多積金錢，厚自娛樂，使子孫無貧乏爾。卿等何不釋去兵權，出守大藩，擇好便田宅市之，爲子孫立永遠不可動之業。多置歌兒舞女，日夕飲酒相歡，以終天年。朕且與卿等約爲婚姻，君臣之閒，兩無猜疑，上下相安，不亦善乎？守信等皆謝曰：「陛下念臣等至此，所謂生死而肉骨也。」〔國語：起死人而肉白骨。〕明日皆稱疾，乞罷典兵。宋主從之，以守信爲天平節度使，〔天平軍節度使治鄆州城，即今山東東平縣。〕高懷德爲歸德節度使，王審琦爲忠正節度使，〔忠正軍節度使治下蔡縣，即今安徽鳳臺縣。〕張令鐸爲鎮寧節度使，〔鎮寧軍節度使治澶州城，即今河南濮陽縣。〕皆罷宿衛就鎮，賜賚甚厚，唯守信兼職如故，其實兵權不在也。

綱

宋主以其弟光義爲開封尹，光美爲興元尹。〔興元府即梁州，治南鄭縣，即今陝西漢中市。〕

綱

八月，唐主景昶，子煜立於金陵。煜音欲。

目

景方議東還，以疾卒於南都，洪州。太子煜時留建康〔即金陵，南唐都。〕遂卽位。遣其

戶部尙書馮謐奉父遺表於宋，謐音密。願追尊帝號，宋主許之。煜初名從嘉，聰悟好學，善屬文，工書畫，明音律。

綱

壬戌，〔九六二〕宋建隆三年，唐後主煜元年。是歲凡五國，三鎮。春正月，宋廣東京城。

目

宋主旣廣汴城，且命有司畫洛陽宮殿，按圖脩之，以韓重贇董其役。贇音賓。營繕

旣畢，宋主坐寢殿，令洞開諸門，皆端直軒豁，無有壅蔽，謂左右曰：「此如我心，若有邪曲，人皆見之矣。」

大辟不得專決

辟。」

綱 二月，宋初詔常參官轉對。

綱 每五日內殿起居，百官以次轉對，指陳時政得失。事關急切者，許非時上章。

綱 宋令大辟，諸州不得專決。

禮文王世子：「其死罪，則曰某之罪，在大辟。其刑罪，則曰某之罪，在小辟。」

目 宋主謂宰臣曰：「五代諸侯跋扈，有枉法殺人者，朝廷置而不問。人命至重，姑息

藩鎮，姑息，苟安也。檀弓曾子曰：「君子之愛人也以德，細人之愛人也以姑息。」當如是邪！自今諸州決大辟，

錄案聞奏，付刑部詳覆之。」

綱 冬十月，宋以趙普爲樞密使。

綱 宋主匡胤遷鄭王宗訓于房州。（治房陵縣，即今湖北房縣。）

綱 武平節度使周行逢卒，（武平節度使治朗州城，即今湖南常德市。）子保權嗣。年十一矣。

綱 十一月，荆南節度使高保勛卒，兄子繼冲嗣。繼冲，保融子。

綱 十二月，湖南將張文表襲潭州，（湖南節度使治潭州城，即今湖南長沙市。）據之。

目 初，周行逢病，亟召將校屬其子保權曰：「吾部內兇很者誅之略盡，惟張文表在耳。

我若死，文表必亂，諸君善佐吾兒，無失土宇。必不得已，當舉族歸朝，無令陷於虎口。」及

保權嗣位，文表聞之，怒曰：「我與行逢俱起微賤，立功名，今日安能北面事小兒乎！」會保

權遣兵代永州戍，（永州治零陵縣，即今湖南零陵縣。）道出衡陽，（即今湖南衡陽市。）文表遂驅之以襲潭

趙匡胤遷故主于房

宋初以文臣知州事

南平亡

宋取湖南

宋初置諸州通判

州。知留後廖簡素易文表，不設備。文表兵徑入府中，簡方燕客醉，被殺，文表遂據潭州。又將取朗陵，（即朗州）以滅周氏。保權遣楊師瑨擊之，瑨音煩。且求援於宋。

綱 癸亥，（九六三）宋乾德元年。是歲凡五國、一鎮。春正月，宋初以文臣知州事。

目 五代諸侯彊盛，朝廷不能制，每移鎮受代，先命近臣諭旨，且發兵備之，尙有不奉詔者。宋初異姓王及帶相印者不下數十人，宋主用趙普謀，漸削其權，或因其卒，或因遷徙致仕，或因遙領他職，皆以文臣代之。

綱 宋遣慕容延釗、李處耘假道荆南討張文表。二月，周保權執文表誅之。處耘襲江陵，（江陵即荆南治）高繼沖以荆南降。

綱 延釗進克潭州，周保權遣兵逆戰，敗走，延釗遂入朗，執保權以歸。

綱 宋天雄節度使符彥卿入朝。（天雄軍治魏州城，在今河北大名縣東。）

目 宋主欲使彥卿典兵，趙普屢諫，不聽。宣已出，復懷入，從容言之，宋主曰：「朕待彥卿厚，豈忍相負邪！」普曰：「陛下何以能負周世宗？」宋主默然，事遂寢。

綱 夏四月，宋初置諸州通判。

目 詔設通判於諸州，凡軍民之政皆統治之，事得專達，與長吏均禮。大州或置二員。又令節鎮所領支郡皆直隸京師，得自奏事，不屬諸藩。於是節度使之權始輕，用趙普之言也。

宋初以常
參官知縣
事

宋毀白起
像

宋取北漢
樂平

綱 宋初以常參官知縣事。

目 符彥卿久鎮大名，（即魏州，天雄軍節度使治。）專恣不法，屬邑頗不治，故特選常參官彊

幹者往蒞之，自是遂著爲令。

綱 秋七月，宋主幸武成王廟，毀白起像。（唐玄宗開元十九年，令兩京及諸州置姜太公廟，封武成

王，以張良、白起、韓信等配享。）

目 宋主歷觀武成王廟兩廡，指白起曰：「起殺已降，（秦將白起坑殺趙降卒四十萬人，見卷七周

赧王五十五年。）不武之甚，豈宜受享！」命去之。

綱 八月，宋侵北漢，取樂平；（在今山西陽泉市東南。）契丹救之，不及。

目 宋將王全斌攻取北漢樂平，詔以爲平晉軍。

綱 宋殺其殿前都虞候張瓊。

目 初，宋主爲周將，瓊隸帳下，嘗以身蔽宋主，中弩矢，死而復蘇。及宋主卽位，擢典

禁兵。會殿前都虞候闕，宋主曰：「殿前衛士如狼虎者，不啻萬人，非瓊不能統制。」卽命瓊

爲之。遷嘉州防禦使。時軍校史珪、石漢卿以數言外事，得幸於宋主，瓊輕侮之，二人因譖

瓊養部曲百餘人，擅威福。宋主召瓊面訊之，不伏。宋主怒，令擊之，漢卿卽奮鐵槌擊其

首，血流氣絕，乃曳出下吏。曳音葉，拖也。瓊自知不免，解所繫帶以遺母，卽自殺。宋主旋聞

瓊家無餘財，甚悔，責漢卿，厚恤其家。

〔綱〕九月，宋貶李處耘爲淄州刺史。處耘與慕容延釗不協，更相論奏。朝議罪處耘，遂貶。〔淄州治淄川縣，卽今山東淄川縣。〕

〔綱〕北漢以契丹攻宋平晉軍，宋將郭進救却之。

〔目〕進從征澤潞，（卽昭義軍，見上。）遷洛州防禦使，（洛州卽洛陽，治河南縣，卽今河南洛陽市。按宋史

郭進傳作「洛州」。）充西山巡檢，御下嚴毅。宋主遣戍卒，必諭之曰：「汝輩謹奉法。我猶貸汝，郭進殺汝矣。」嘗有軍校自西山詣汴，誣訟進不法事，宋主詰知其情，送進，令殺之。會北漢來伐，進語其人曰：「汝敢論我，信有膽氣。今貴汝罪，汝能掩殺敵兵，當卽薦汝；如敗，可自投河東。」其人踴躍赴戰，大致克捷，進卽以聞，乞還其職，宋主從之。

趙普相

〔綱〕甲子，（九六四）宋乾德二年。是歲凡五國、一鎮。春正月，宋范質、王溥、魏仁浦罷，以趙普同平章事。

宋祖雪夜幸趙普家

〔目〕普既相，以天下爲己任，宋主倚任之，事無大小，悉咨決焉。宋主數微行，私出也。

商取太原

過功臣家。普每退朝，不敢去衣冠。一日大雪，向夜，普意宋主不出，久之，聞叩門聲，普亟出，宋主立風雪中。普惶恐迎拜。宋主曰：「已約光義矣。」已而光義至，設重茵地坐，茵音因，褥也。堂中熾炭燒肉，普妻行酒至，宋主以嫂呼之。因與普計下太原。普曰：「太原當西北二面，太原旣下，則我獨當之，不如姑俟削平諸國，則彈丸黑子之地，彈丸黑子喻小也。將安逃乎。」宋主曰：「吾意正如此，特試卿耳。」

商取幽燕

趙普奏用

趙普請遷

宋主又嘗以幽、燕地圖示普，問進取之策。普曰：「圖必出曹翰。」宋主曰：「然。」因曰：「翰可取否？」普曰：「翰可取，孰可守？」宋主曰：「以翰守之。」普曰：「翰死，孰可代？」宋主默然，良久曰：「卿可謂深慮矣。」

普嘗薦某人爲某官，宋主不許；明日復奏，亦不許；明日又奏，宋主大怒，裂碎奏牘擲地，普顏色不變，跪而拾之以歸。他日補綴舊牘，復奏如初，宋主乃悟，卒用其人。又有羣臣當遷官，宋主素惡其人，不與。普堅以爲請，宋主怒曰：「朕固不與遷，卿若之何？」普曰：「刑賞天下之刑賞，陛下豈得以喜怒專之？」宋主怒甚，起，普亦隨之。宋主入宮，普立宮門，久之不去，竟得俞允。其剛毅果斷類如此。然多忌克，屢以微時所不足者爲言。宋主曰：「若塵埃中可識天子、宰相，則人皆物色之矣。」自是不復敢言。

綱 夏四月，宋以薛居正、呂餘慶參知政事。

目 宋主以趙普獨相，欲置副而難其名稱，問翰林承旨陶穀曰：「下宰相一等有何官？」對曰：「唐有參知政事。」乃以樞密直學士薛居正、兵部侍郎呂餘慶並以本官參知政事，不押班宣制知印，不預奏事，不升政事堂，止令就宣徽使廳上事，殿廷別設覲位，敕尾署銜降宰相，月俸雜給半之，未欲與普齊也。

綱 六月，宋主以其子德昭爲貴州防禦使。

（貴州治鬱林縣，即今廣西貴縣。）

目 故事，皇子出閣卽封王，宋主以德昭未冠，特殺其禮。